

# Liun chatscha emblem grischun: il capricorn

Nov cudesch da Leo Tuor

■ (cp) **Leo Tuor chatscha il retg da las Alps, il capricorn. Cun «Catscha sil capricorn en Cavrein» cumpara la 4. ovra litterara primara da l'autur autludà da crititgaders e publicum. In cudesch rumantsch da la chatscha. Dentant betg mo. «Nus sedecidin da veser capricorns».** Igl è la disciplina roiala da la chatscha auta grischuna. La chatscha dal capricorn. Nus accumpagnain il protagonist da *Leo Tuor* en la selvadia Val Cavrein, ina val laterala da la Val Russein en Surselva. «Leu lai la survigilanza buca ir mintgin: Catschadurs han spert da far cun la virilitad, sesentan sco castrats, sch'ei settan nuot.» In lieu nua che ina chaussa è garantida: il spetgar. Spetgar sin l'animal.

Spetgar fin che l'um è pront da prender l'animal en il visier. Dentant cumpara l'animal gl'emprim gnanc en il spectiv. Dator che ins sa decida da vesair il capricorn: «Nus sulvin, sedecidin da veser capricorns.»

## Il liun a chatscha

Leo avertescha da betg scumbigliar il protagonist cun l'autur. Sco ses protagonist è era Leo chatschader. Sco il chatschader a Cavrein è era Tuor stà là avant insaquants onns a chatscha da capricorns. Cun «Catscha sil capricorn en Cavrein» cumpara gia il segund cudesch da chatscha da Tuor. Quest cudesch actual n'è dentant nagina cuntinuaziun da Settembrini (Settembrini 2006, Romania [en la retscha Nies Tschespet]) – gnanca sco roman. «Catscha sil capricorn en Cavrein» è in essai. E questa emprova è gartegiada.

## «Era capricorns che discuoran capessen nus buc»

A Leo Tuor gartegi dad accordar filosofia e chatscha. Sin sia atgna chatscha da capricorns ha Leo Tuor pri l'ovra «Tractatus Logico-Philosophicus» dal filosof Ludwig Wittgenstein. In vademecum che flessegia

## Il frontispizi dal cudesch da Leo Tuor.

MAD

er en la chatscha litterara: «Wovon man nicht sprechen kann, darüber muß man schweigen», questa emprima ed ultima construcziun da la ovra filosofica è da muntada centrala tar Tuor. Er il chatschader confrunta a chaussas ch'el na chapescha betg, ch'el na deriva betg da descriver cun plets. Uschia punctuescha Tuor en «Catscha sil capricorn en Cavrein» cunzunt la differenza tranter l'uman e ses ambient, era tar la trofea desiderada, il capricorn. «Auch wenn ein Löwe sprechen könnte, wir könnten ihn nicht verstehen» stat i scrit tar Wittgenstein. Era sche in capricorn pudess discuorer, «nus savessen buca capir el», ha i num tar Tuor. Discur-



Leo Tuor  
Catscha  
sil capricorn  
en Cavrein

rer, u meglier ditg sriver, sa l'uman Leo Tuor dentant. Uschia po la lectura «Catscha sil capricorn en Cavrein» senz'auter gidar nus a chapir l'uman (-chatschader) e ses ambient.

**La vernissascha dal cudesch «Catscha sil capricorn en Cavrein» da Leo Tuor è sonda, 06-11-2010, 11.40 als Dis da litteratura, scola Tircal, Domat**

**Catscha sil capricorn en Cavrein**  
Romantsch sursilvan  
ISBN 978-3-905956-02-3  
88 paginas, illustrà, ligià, 20x12 cm  
25.00 francs/15.00 euros  
2010 Chasa Editura Rumantscha Cuira